

Riječ urednika

Lubitelji pisane riječi, koji budu u prilici da čitaju prve brojeve časopisa "Univerzitetska misao" u prvoj deceniji XXI stoljeća, biće u višestrukoj prednosti nad svim ostalima koji to budu uradili u nekom budućem vremenu. Ti čitaoci su savremenici ili dio prvog naraštaja koji je započeo život i živio u novom dobu: dobu u kome je u Sandžaku počeo sa radom i radio Internacionalni univerzitet u Novom Pazaru. Internacionalni univerzitet u Novom Pazaru je građanima Sandžaka i široj društveno-političkoj zajednici, svojim postojanjem, ponudio neograničene mogućnosti uključivanja u savremeni svijet i svijet budućnosti – svijet bez ekonomskih granica: djeca Sandžaka, kao sva ostala djeca u Evropi će imati podjednake ili približno jednake šanse da ovladaju naukom, da uče i da se prilagođavaju izazovima koje nude tokovi života.

Osnivanje i uspješan rad Internacionalnog univerziteta u Novom Pazaru za ovu regiju, pa i šire, predstavlja otvaranje vrata nove ere, ere informacionog društva, doba vladavine ljudskog uma, znanja i kreativnosti. Tako ovaj kraj preskače čitavu eru koju su današnji razvijeni preživjeli – eru nastanka i razvoja industrijske revolucije i života i rada ljudi u industrijskom društvu. To novo društvo, nudi mnogo, ali i traži mnogo. Ljudi koji ne budu raspolagali znanjima neće moći da očekuju svoje šanse, zato kraj, kakav je Sandžak, u informacionom društvu, jedini izlaz može tražiti u razvoju sopstvenog univerziteta.

Postojanje univerziteta, samo po sebi, još uvijek ništa ne garantuje. Tek ako bude institucija koja omogućava učenje stalnog učenja, te ako doprinese tome da svaka kuća u Sandžaku postane mjesto na kome se uči, Univerzitet će postati sigurna garancija uspjeha svakog člana te društvene zajednice u novom vremenu. Zato Univerzitet u Novom Pazaru mora biti nešto drugo, a ne ono što su bili, ili što jesu univerziteti do (i u) ovog vremena: on mora biti mjesto na koje se rado dolazi, mjesto na kome se rado živi, u kojem se rado uči, u kojem je cilj nastavnička i cilj studenta isti – kako naučiti učiti, kako tragati za činjenicama u objektivnoj stvarnosti, kako te činjenice pretakati u generalizacije (pravila, načela, principe, zakone, zakonitosti, algoritme, povratne informacije), kako razvijati sopstvene sposobnosti (mentalne, manuelne, radne...) i kako razvijati sopstvene vještine i navike lakog i brzog reagovanja u konkretnim životnim situacijama.

Čovjeku vremena u kojem je osnovan Internacionalni univerzitet u Novom Pazaru nije dovoljno da nauči čitati, čak i pod uslovom da hoće i da želi, pa i da

radomirovića, tribinom: "Kulturni identitet u svjetlu globalizacije");

–formirana je Univerzitetska biblioteka;

–osnovan je Studentski parlament;

–potpisan je sporazum o saradnji sa slijedećim univerzitetima: "Braća Karić" iz Beograda, Privredna akademija iz Novog Sada i Univerzitetom u Sarajevu;

–raspisan je Konkurs za izbor i imenovanje saradnika i nastavnika i završena prva procedura izbora;

–održan je niz tribina: "Bosna i sandžak – sadašnjost i perspektive", na kojoj su gostovali akademik prof. dr Muhamed Filipović i prof. dr Salih Fočo (sa promocijom knjiga "Jedno dugo, dugo putovanje uz Lim i oko Peštera", autora akademika prof. dr Muhameda Filipovića i "Sociologija odgoja i obrazovanja", autora prof. dr Saliha Foča); "Uloga univerziteta u kulturnom preporodu Sandžaka" (gost Tribine prof. dr Ferid Muhić); studentska tribina "Dijalozi o istočnoj i zapadnoj filozofiji"; "Sjedinjene Američke Države danas" (gost Tribine Allen L. Docal, ekspert); "Sandžak juče, danas, sutra", kojoj je Univerzitet poklonio posebnu svesku časopisa "Univerzitetska misao";

–održan je "Čas posvećen premijeru dr Zoranu Đinđiću";

–pokrenuta je studentska TV emisija "Index" na RTV "Jedinstvo";

–predstavnici Internacionalnog univerziteta u Novom Pazaru su posjetili sve srednje škole u Novom Pazaru, Tutinu, Sjenici i Raški i predstavili Univerzitet;

–učenici četvrte godine srednjih škola u Novom Pazaru su organizovano posjetili Univerzitet;

–predstavnici Internacionalnog univerziteta u Novom Pazaru su gostovali u više TV emisija na RTV "Jedinstvu" u Novom Pazaru, na RTV "APR" u Rožajama, na RTV "Most" u Raški, a Rektor Univerziteta je gostovao i na RTV "Bell Ami" u Nišu, RTV "BK" u Beogradu, RTV "B-92" i td;

–počeo je sa radom Univerzitetski karate klub i donio prve medalje;

–obavljene su sve pripreme za osnivanje Univerzitetskog aikido kluba, kao i Univerzitetskog judo kluba;

–obavljene su sve pripreme za pokretanje Multimedijalnog centra;

–Univerzitet su posjetili brojni viđeni političari, kulturni i javni radnici, među kojima i Predsjednik Vlade Republike Srbije, Ministar prosvjete i sporta u Vladi Republike Srbije, Podpredsjednik vlade Republike Srbije, Prestolonasljednik princ Aleksandar Karađorđević i dr;

–Univerzitet su posjetili brojni najviši predstavnici ambasada u našoj zemlji;

–Američka ambasada je, za rad Smjera za engleski jezik i književnost,

može čitati i po deset sati dnevno. Naime, XXI stoljeće je obilježeno činjenicom da se u svijetu štampa preko 800.000 knjiga godišnje! To znači da bi čovjeku bilo potrebno da živi oko 2000 godina i da svakog dana čita po jednu knjigu, da bi pročitao samo knjige štampane u jednoj godini. (Vidi: Gordon Dryden i dr. Jeannette Vos, *Revolucija u učenju*, Educa, Zagreb, 2001, str. 39. i dalje). Čovjek mora pribeći automatskom odabiru samo informacija koje mu neposredno treba – ju, koje želi, koje mu omogućavaju normalan život i ne mora ih pamtiti; umjesto njega to će činiti računari, video kasete, kompakt diskovi, a već u kratkoj budućnosti čitavi novi paketi informacija. Ali, da bi sve to mogao, čovjek mora najprije učiti – u protivnom, rijeka novih informacija društva koje uči, nezaustavno će ga izbaciti na puste litice neznanja.

U 2003. godini Internacionalni univerzitet u Novom Pazaru živio je i radio veoma ubrzano:

- uspješno je završena prva studijska godina;

- upisana je druga generacija studenata;

- otvorena je nova studijska grupa na Fakultetu humanističkih nauka – Odsjek za dizajn i modnu kreaciju;

- otvorena je nova studijska grupa na Pravnom fakultetu – Odsjek za kriminalistiku;

- otvoreno je Nastavno odjeljenje Internacionalnog univerziteta u Novom Pazaru u Nišu, sa tri studijske grupe i preko 150 studenata: Dizajn i modna kreacija, Žurnalistika i Menadžment i poslovna ekonomija;

- zadužbinska povelja, vakufnama, je proglašena otvorenom, te su se počeli prijavljivati novi zadužbinari – utemeljivači i donatori Internacionalnog univerziteta u Novom Pazaru;

- grupa privrednika iz Novog Pazara i okoline formirala je Udruženje "Prijatelji Internacionalnog univerziteta u Novom Pazaru" i započela aktivnost u okviru koje je svaki član tog Udruženja mjesečno uplaćivao donaciju koju je sam prijavio, a pored njih javili su se i brojni drugi donatori čime se proširila lista zadužbinara;

- počeo je sa radom Centar za postdiplomske studije i otvorene su Interdisciplinarne i multidisciplinarne postdiplomske studije, sa preko 40 polaznika na raznim studijskim grupama sva četiri fakulteta;

- početak školske 2003/04. godine obilježen je Sajmom knjiga na kojem je svoja izdanja izlagalo oko četrdeset izdavača iz Srbije, Crne Gore, Bosne i Hercegovine, Makedonije i Hrvatske i nizom prigodnih manifestacija (promocijama knjiga: "Antologija narodnog stvaralaštva", autora Huseina Bašića, "Zulfov kamen", autora Nedžiba Vučelja, "Mjesec i istina", autora Zaima veskovića, "Vrijeme zidano kamenom", autora Džeka Bibuljice, Psihologija, autora Vojka

stavila na raspolaganje Univerzitetu dva svoja lektora i poklonila Univerzitetskoj biblioteci knjige u vrijednosti od oko 5000\$;

–Turska ambasada je, za rad Smjera za turski jezik, stavila na raspolaganje Univerzitetu jednog lektora;

Pokrenut je i niz drugih aktivnosti, o čemu se na Univerzitetu vodi posebna evidencija.

Sandžaku i njegovim stanovnicima, dakle, uz Internacionalni univerzitet u Novom Pazaru, predstoji revolucija u razvoju. Ukupnu revoluciju je moguće postići ukoliko se dogodi revolucija u svakom pojedincu, a najrevolucionarnija snaga je mladost. Zato stanovnici Sandžaka i znatno šire zajednice, kao uostalom i ukupne državne zajednice, pa opet i šire – Balkana, Evrope i Svijeta, moraju svojoj mladosti dati oružje koje im je potrebno za sprovođenje te revolucije. To oružje je znanje koje se može postići u djelotvornoj ustanovi u kojoj se uči kako učiti i kako živjeti. Ta djelotvorna obrazovna institucija želi biti i već jeste Internacionalni univerzitet u Novom Pazaru.

U ovom broju časopisa "Univerzitetska misao" donosimo bogatstvo radova najvrjednijih nastavnika i saradnika Internacionalnog univerziteta u Novom Pazaru. Čitaocima i saradnicima želimo prijatne časove uz naš Zbornik i svima upućujemo poziv na saradnju.

Glavni i odgovorni urednik,
Prof. dr Sait Kačapor